



Broj: JN06-16-4-11-21/24
Datum: 21.05.2024.godine

Na osnovu članka 69. Stavak (2) točka d) i članka 100. Stavak (1) i (3) Zakona o javnim nabavama Bosne i Hercegovine, („Službeni list BiH“, broj 39/14 i 59/22) (u daljem tekstu: Zakon), Zavod za izvršenje kaznenih sankcija, pritvora i drugih mjera Bosne i Hercegovine (u daljem tekstu: Ugovorni organ) postupajući po žalbi ponuđača Lala i Laćo d.o.o. Bijeljina (u daljem tekstu: žalitelj) na Odluku o izboru najpovoljnijeg ponuđača u postupku javne nabave roba konzerviranih i zapakiranih mesnih proizvoda . LOT 1 – Juneći i goveđi konzervirani i zapakirani mesni proizvodi broj: JN06-16-4-11-10/24 od 23.04.2024. godine, Upravitelj Zavoda donosi ;

RJEŠENJE

o usvajanju žalbe na Odluku o izboru najpovoljnijeg ponuđača u postupku javne nabave roba konzerviranih i zapakiranih mesnih proizvoda , LOT 1 – Juneći i goveđi konzervirani i zapakirani mesni proizvodi

1. Žalba žalitelja Lala i Laćo d.o.o. Bijeljina , zaprimljena kod Ugovornog organa dana 14.05.2024. godine protokolirana pod brojem : JN06-16-4-11/24 izjavljena na Odluku o izboru najpovoljnijeg ponuđača u postupku javne nabave roba konzerviranih i zapakiranih mesnih proizvoda , LOT 1 – Juneći i goveđi konzervirani i zapakirani mesni proizvodi broj: JN06-16-4-11-10/24 od 23.04.2024. godine (u daljem tekstu : Odluka) od dana 23.04.2024. godine . **se usvaja kao osnovana.**
2. Poništava se Odluku o izboru najpovoljnijeg ponuđača u postupku javne nabave roba konzerviranih i zapakiranih mesnih proizvoda . LOT 1 – Juneći i goveđi konzervirani i zapakirani mesni proizvodi broj: JN06-16-4-11-10/24 od 23.04.2024. godine.
3. Poništava se postupak javne nabave roba konzerviranih i zapakiranih mesnih proizvoda , LOT 1 – Juneći i goveđi konzervirani i zapakirani mesni proizvodi .
4. Ugovorni organ usvaja troškove sastava žalbe i isti će uplatiti naknadu za sastav žalbe u iznosu od 562,50 KM na žiro račun žalitelja .
5. Ovo Rješenje stupa na snagu danom donošenja i isto će se objaviti na web-stranici Zavoda. Istovremeno Rješenje će se uputiti ponuđačima koji su učestvovali u postupku javne nabave .

OBRASLOŽENJE

Zavod za izvršenje kaznenih sankcija, pritvora i drugih mjera BiH je dana 23.04.2024.godine donio Odluku o izboru napovoljnijeg ponuđača u predmetu javne nabave

konzerviranih i zapakiranih mesnih proizvoda , LOT 1 – Juneći i goveđi konzervirani i zapakirani mesni proizvodi.

Odluka o izboru kao i Obavijest o rezultatu postupka javne nabave dana 24.04.2024. godine poslana su ponuđačima koji su učestvovali u postupku javne nabave konzerviranih i zapakiranih mesnih proizvoda . LOT 1 -- Juneći i goveđi konzervirani i zapakirani mesni proizvodi .

Ponuđač Lala i Lačo d.o.o. Bijeljina, izjavio je dana 14.05.2024.godine žalbu na Odluku o izboru br. JN06-16-4-11-10/24 od 23.04.2024. godine. Naime, žalitelj je podnio žalbu na Odluku zbog nepotpuno utvrđenog činjeničnog stanja, pogrešne primjene materijalnih propisa te povrede postupka . Ugovorni organ je zaprimio žalbu dana 14.05.2024.godine.

Obzirom na sve gore navedeno žalitelj traži da se Žalba usvoji, da se poništi Odluka te nakon ponovne analize i ocjene pristiglih ponuda žalitelju dodjeli ugovor kao jedinom ponuđaču te da se žalitelju nadoknade troškovi žalbe u iznosu od 562,50 KM .

Prije nego što se upustio u meritorno odlučivanje, Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene kako bi se uopće pristupilo rješavanju iste, a odnose se na uvjetovane pretpostavke propisane odredbama člana 100. stav (1). Zakona, te je utvrdio da je žalba blagovremena, dopuštena i izjavljena od ovlaštenog lica i od lica koje ima aktivnu legitimaciju u skladu sa pomenutim odredbama Zakona.

Žalitelj u žalbi navodi sljedeće :

„ Nakon uvida u ponudu drugog ponuđača , žalitelj je uočio da ista nije ispravna jer za stavku 2. nije ponudi odgovarajući proizvod i samim tim je Odluka kao i postupak dodjele ugovora nezakonit. Naime, u Obrascu za cijenu ponude za stavku pod rednim brojem 2. je traženo da se dostavi ponuda za sljedeće : Narezak goveđi (min. 150 gr. do max. 200 gr.) Sastav minimalno 70% kvalitetnog goveđeg mesa. Ne smije sadržavati sastojke svinjskog porijekla.

Uvidom u stupac 3. Naziv proizvođača, može se utvrditi da je izabrani ponuđač kao proizvođača naveo „Spajić“ d.o.o. Beograd a koji proizvođač u svom proizvodnom programu ima samo goveđi narezak Ranch 150 gr. Folija/mekani lim i goveđi narezak 150/300 gr.limenka.

Uvidom u njihov goveđi narezak Ranch od 150 gr.može se utvrditi da isti karakteristikama ne odgovara opisu za stavku 2. jer je u opisu traženo da sadrži minimalno 70% goveđeg mesa dok goveđi narezak imenovanog ponuđača sadrži minimalno 50% goveđeg mesa, što je ispod minimalnog uvjeta koji je odredio ugovorni organ .

Dokaz 1 – uvid u deklaraciju goveđeg nareška Ranch 150 grama .

Dalje, žalitelj ukazuje na činjenicu da izabrani ponuđač nije dostavio ispravnu ponudu te sa takvom ponudom nije mogao učestvovati u e-aukciji, niti je mogao biti izabran za dosjelu ugovora.

Iz naprijed navedenog žalitelj traži da se Žalba usvoji, da se poništi Odluka te nakon ponovne analize i ocjene pristiglih ponuda žalitelju dodjeli ugovor kao jedinom ponuđaču te da se žalitelju nadoknade troškovi žalbe u iznosu od 562,50 KM .

Dakle, žalitelj navodi da se ponuđač Vizion d.o.o. Rogatica nije pridržavao uvjeta i zahtjeva iz tenderske dokumentacije te da je ponudio proizvod koji ne odgovara traženim uvjetima i zahtjevima navedenim u tenderskoj dokumentaciji. Naime , ponuđač je ponudio proizvod goveđi narezak proizvođača Spajić d.o.o. Beograd iako navedeni proizvod sadrži minimalno 50% goveđeg mesa što je ispod minimalnih uvjeta koji su propisani tenderskom

dokumentacijom . Naime, tenderskom dokumentacijom se tražio goveđi narezak sa minimalno 70% goveđeg mesa.

Ugovorni organ, rješavajući po žalbi žalitelja ponovo je izvršio uvid u ponudu ponuđača Vizion d.o.o. Rogatica i ponuđača (žalitelja) Lala i Laćo d.o.o. Bijeljina te analizom dostupnosti nudenog i spornog artikla - Goveđi narezak, pakovanje min. 150 gr. do max. 200gr. pakovan u mekani lim, napravljen od goveđeg mesa sa minimalno 70% sastava kvalitetnog goveđeg mesa, komisij za javne nabave je zauzela stav da ponuđeni proizvod ponuđača Vizion d.o.o. Rogatica ne ispunjavaju uvjete tražene u tenderskoj dokumentaciji .

Navedeni navod Ugovornog organa potkrepljuje i e-mail ponuđača Vizion d.o.o. u kojem se navodi da postoji dogovor između navedenog ponuđača i firme Spajić Co d.o.o. Beograd da će firma Spajić d.o.o. Beograd za ponuđača Vizion d.o.o. Rogatica proizvesti goveđi narezak po sastavu koji je tražen u tenderskoj dokumentaciji . Međutim, Ugovorni organ ne može prihvatiti navedenu izjavu ponuđača Vizion d.o.o. Rogatica jer u momentu predaje ponude , ponuđač Vision d.o.o. nije bio kvalificiran jer je nudio artikal koji ne postoji na tržištu .

Iz gore navedenog Ugovorni organ je utvrdio da je žalbeni navod žalitelja u cijelosti osnovan.

Daljom analizom ponude žalitelja Lala i Laćo d.o.o. Bijeljina Ugovorni organ je konstatirao da je žalitelj ponudio proizvod proizvođača AKOVA IMPEX d.o.o. Sarajevo. Ugovorni organ je putem elektronske pošte kontaktirao pomenutog proizvođača od koga je zaprimljen mejl sa informacijom o proizvodnom asortimanu goveđih mesnih narezaka. Iz navede informacije, utvrđeno je da ponuđeni artikal ne ispunjava uvjete tražene u tenderskoj dokumentaciji. Naime, jedini goveđi mesni narezak koji predmetni proizvođač ima u svom asortimanu je upakiran u tvrdi limenku. dok je tenderskom dokumentacijom traženo pakiranje meki lim.

Navedeni navod Ugovornog organa potkrepljuje i e-mail-om od proizvođača ponuđenog proizvoda Akova group d.o.o. Sarajevo a kojeg je ponudio žalitelj.

Sukladno drugoj točki dispozitiva poništava se postupak javne nabave putem otvorenog postupka za nabavu roba – konzerviranih i zapakiranih mesnih proizvoda , LOT 1 – Juneći i goveđi konzervirani i zapakirani mesni proizvodi iz razloga što je i ponuda drugorangiranog ponuđača (žalitelja) nepravilna .

Imajući u vidu naprijed navedeno poništava se postupak javne nabave putem otvorenog postupka za nabavu roba konzerviranih i zapakiranih mesnih proizvoda , LOT 1 – Juneći i goveđi konzervirani i zapakirani mesni proizvodi. Zavoda za izvršenje kaznenih sankcija, pritvora i drugih mjera BiH, iz razloga propisanih članom 69. stav (2) točka d) Zakona o javnim nabavama Bosne i Hercegovine („Službeni glasnik BiH“, broj 39/14 i 59/22), odnosno iz razloga što nijedna od primljenih ponuda nije prihvatljiva .

Obzirom na gore navedeno, a u skladu sa članom 100. stav 3. Zakona o javnim nabavama Ugovorni organ je ustanovio da je žalba ponuđača Lala i Laćo d.o.o. blagovremena, dopuštena i izjavljena od ovlaštenog lica i od lica koje ima aktivnu legitimaciju i da je u cijelosti osnovana te u skladu sa navedenim Ugovorni organ donosi Rješenje kao u dispozitivu.

Ugovorni organ usvaja troškove sastava žalbe i isti će uplatiti naknadu za sastav žalbe u iznosu od 562,50 KM na žiro račun žalitelja broj 161 085 000 213 00 40 otvoren kod Raiffeisen bank.

POUKA O PRAVNOM LIJEKU:

Na osnovu člana 100. stav (4) Zakona o javnim nabavkama Bosne i Hercegovine («Službeni list BiH» broj 39/14 i 59/22), protiv ovog Rješenja može se izjaviti žalba Uredu za razmatranje žalbi Bosne i Hercegovine, putem Ugovornog organa, u roku od 10 (deset) dana od dana prijema Rješenja.

Upravitelj Zavoda

Siniša Perković



Dostaviti:

- Komisiji za javne nabave,
- Službi za opće, pravne i materijalno-financijske poslove,
- Svim učesnicima u postupku javne nabavke, i
- U spis.